

dens aiebat: *Montes excelsi cervis, petra petra refugium erinacei* (*Psal. ciii.*).

Porro illud potissimum nostrae mentis aciem obnubilavit, quod nos ab ipsa sancta sede repellimur, quorum progenitores et atavi illam sanctam matrem Ecclesiam, divino auxilio pie ac fideliter patriconantes protexere. Et quidem ultra quam sibi possit, congratulamur, quod Bulgaros, et alia paganorum feritas ad limina sanctorum apostolorum invitatur, imo quod sancta Ecclesia, juxta vaticinium prophete, dilatat locum tentorii sui, et longos facit funiculos suos, ac pelles tabernaculorum suorum extendit (*Isa. LIV.*). Sed non modice contristamur, quod tam crebro illuc anhelando audientia predecessoris vestri potiri non valimus. Sed his omissionibus, ad nostrae mentis propositum, et vestri Deo digni apostolatus excellentiam redeamus, et uti dignum est, gloria in excelsis Deo resonemus, qui roseo proprii sanguinis pretio acquisito gregi misericordissima dignatione prospiciens, vestri pontificis jubar, sua electione in sede sancte matris Ecclesiae collocavit, ad nostram et totius Christianae plebis salutem.

Et quia omnipotens Deus princeps pastorum, in illa sancta sede, vestri pontificatus apicem sublimavit, nostrae serenitatis salubre auxilium, ad defensionem, statum, atque honorem pontificatus vestri, more predecessorum nostrorum, in omnibus exhibere parati sumus. Et teste rerum omnium conditore, nullus catholicorum regum, nullus Christianorum principum devotior vestrae sanctitati, et promptior vestra utilitati esse desiderat, quam nostra exigui-

A tas [al. quantitas]. Nam si tempus arriserit, et auxiliante divina clementia scandala sopita conquivent, quæ simultate et suggestione æmularum nostrorum, membrorum videlicet Satanæ, enormiter emersere, vestrum multipliciter desideramus conspectum, et vestris Deo dignis animari colloquiis, atque melliflua benedictione potiri. Denique almifluam paternitatem vestram humiliter precamur, ut nullum regiæ dignitatis, et nominis nobis consimilem preferre quoquo modo, aut præponere nostræ mansuetudini decernatis, neque etiam apices beatitudinis vestrae nobis porrigendos, per aliquem dirigere placet, nisi, aut per nostrum legatum, aut certe per vestrum a vestro sancto latere destinatum, vel per nuntium augustissimi germani nostri Ludovici imperatoris: quia, ut vere fateamur, non modica similitas hactenus istis in partibus per hujusmodi sacram orta noscitur, et nisi in posterum caute prævisum fuerit, quoddam poterit generare discrimen.

Interea modis omnibus obsecramus, ut de vestra optabili prosperitate litteris vestris celsitudinem nostram certam reddentes, charæ filiationis munus nobis impertiri dignemini, et vestris aliniis precibus nostram apud Dominum commendabilem atque veniabilem exhibeatis serenitatem, quatenus tanti patris piis precibus suffulti, creditum nobis regimen, Christo opitulante, gubernare valeamus. Omnipotens Deus vestri pontificii splendifluum jubar, atque angelicam sanctimoniam diu nobis incolunem conservare dignetur. Amen.

ANNO DOMINI DCCLXVIII.

# GUNTHARIUS

COLONIENSIS EPISCOPUS.

## GUNTHARII DIABOLICA IN NICOLAUM PAPAM CAPITULA<sup>a</sup>.

(Pertz., *Monumenta Germaniae historica.*)

### PRÆFATIO

AD EPISCOPOS REGNI LOTHARII.

Sanctis ac venerandis fratribus et coepiscopis  
Guntharius atque Theotgaudus in Domino salutem.

\* De his Annales Hincmari Rhemensis: Imperator Guntharium et Thentgaudum degradatos, ut secum venerant, Franciam redire precepit. Tunc Guntharius haec diabolica capitula et hactenus inaudita, quæ cum hac prefatione, quando Romam in Ludovici obsequio rediit, episcopis regni Lotharii misit, per Hilduinum fratrem suum clericum, adjunctis ei suis hominibus, apostolico misit, dans illi in mandatis ut si apostolicus illa nollet recipere, super corpus beati Petri ea jactaret. Apostolicus autem præcognitus haec recipere noluit. Suprascriptus autem Hilduinus armatus cum hominibus Gun-

D Rogamus suppliciter charissimam fraternitatem vestram ut nobis pro vobis assidue orantibus san-

tharri ecclesiam beati Petri apostoli sine ulla reverentia intrans, diabolicum scriptum, sicut sursus frater Guntharius ei præceperat, si apostolicus illud nollet recipere, super corpus beati Petri jactare voluit, et a custodibus prohibitus, eosdem custodes cum sustibus tam ipse quam et sui complices verberare coeperunt, adeo ut unus ibidem occisus fuerit. Tunc ipsum scriptum super corpus beati Petri jactavit, seque isdem et qui cum eo venerant evaginatis gladiis protegentes, de ecclesia exierunt, et ad Guntharium peracto lugendo negotio rediunt.

etarum precum solatia instanter impendatis, et ne turbemini neque terremini pro his, quæ fama forte de nobis ac vobis sinistrius nuntiat. Considerimus de Domini nostri clementissima bonitate, quia neque in regem nostrum neque in nos, opitulante Deo, ini-micorum prævalebunt insidiæ, neque gaudebunt de nobis adversarii nostri. Nam quamvis dominus Nicolaus qui dicitur papa, et qui se apostolum inter apostolos annumerat, totiusque mundi imperatorem se facit, ad illorum instinctum et votum, quibus conspiratus favere dignoscitur, nos damnare voluisse, tamen modis omnibus Christo propitio suæ insanæ renitentes invenit, et quidquid inde fecit, non mediocriter illum postmodum penituit. Misimus vobis hæc subscripta capitula, quibus cognoscatis nostram adversus præfatum pontificem querimoniam. Nos autem egressi a Roma longiusque recedentes, iterum ad Romanam revocati sumus. Quo nos incipientes reverti, has vobis litterulas scripsimus, ut non mi-

A remini, quod longiores agimus moras. Domini regem nostrum tam per vos ipsos quam per vestros missos et litteras sæpius visitate et confortate, eisque quoconque potestis amicos et fidèles conciliate, maxime Ludovicum regem admonendo semper invitare, et cum illo de communi utilitate diligenter inquire, quoniam in pace eorum regum [al. regnum] erit pax nostra. Aequo animo estote et tranquillo corde, domini fratres, quia Deo volente talia vobis nuntiare speramus, in quibus absque errore poteritis advertere spiritum Domini docentem quid et quomodo agere debeatis. Tantum omnimodis præfatum regem commonere curate, ut inter varias suggestiones ita maneat immobilis, donec et ipse rerum causas cognoscat. Ceterum, desiderantissimi fratres, necessarium vobis est et laude dignum, ut promissam regi nostro fidem coram Deo et hominibus inviolabiliter conservemus. Deus omnipotens vos in suo sancto servitio conservare dignetur.

## INCIPIUNT CAPITULA.

**CAP. I.** — Audi, domne papa Nicolae; patres et fratres coepiscopi nostri ad te nos direxerunt, et nos sponte venimus, consulere videlicet tuum magisterium super his quæ pariter, prout nobis visum fuit, et adjacentibus et approbantibus notum esse potuit, judicavimus, auctoritates rationesque quas secuti suis scriptis ostendentes, ut tua sapientia perscrutatis omnibus, qui inde sentiret et quid vellet nobis demonstraret. Et si illud melius tua sanctitas inveniret, ut nos instrueres et doceres hoc, humiliter postulamus, parati quidquid rectius et probabilius insinuares, una cum confratribus nostris sanis acquiescere documentis.

**CAP. II.** — Sed nos per tres hebdomadas tuum expectantes responsum, nihil certitudinis nihilque doctrinæ nobis expressisti, sed tantum quodam die in publico dixisti, nos excusabiles apparere et innocentes juxta nostri assertionem libelli.

**CAP. III.** — Ad ultimum nos evocati, ad tuam præsentiam deducti sumus nihil adversitatis suspicantes, ibique obseratis ostiis conspiratione more latrocinali facta, et ex clericis et laicis turba collecta et permista, nos opprimere inter tantos violenter studiisti, atque sine synodo et canonico examine nullo accusante, nullo testifice, nullaque disputationis distinctione dirimente vel auctoritatum probatione convincte, absque nostri oris confessione, absentibus aliis metropolitanis et dioecesanis coepiscopis et confratribus nostris, extra omnium omnino consensum tuo solius arbitrio et tyrannico furore damnare nosinet voluisti.

**CAP. IV.** — Sed tuam maledictam sententiam, a paterna benignitate alienam, a fraterna charitate extraneam, adversum nos injuste et irrationaliter contra leges canonicas prolata, nequaquam reci-

D pimus, imo cum omni cœtu fraterno quasi maledictum frustra prolatum contemnimus atque abjicimus. Te ipsum quoque, damnatis et anathematizatis sacramque religionem abjicientibus ac contemnentibus saventem et communicantem, in nostram communionem nostrumque consortium recipere nolumus, contenti totius Ecclesiæ communione et fraterna societate, quam tu arroganter te superexaltans despicias, teque ab ea elationis tumore indignum faciens sequestras.

**CAP. V.** — Igitur ex tuæ levitatis temeritate propria tibi in sententia anathematis pestem inflixisti, exclamans : *Qui apostolica præcepta non servat, anathema sit,* que tu multipliciter violare et violasse dignosceris, divinas simul leges et sacros canones quantum in te est evacuans, prædecessorum tuorum, pontificum Romanorum, vestigia sequi nolens.

**CAP. VI.** — Nunc ergo quia fraudulentiam et callicitatem tuam experti sumus, non quasi ad illatam nobis contumeliam provocati sumus, sed contra tuam iniquitatem zelo accensi, nec nostræ viitatis personam attendentes, sed omnem nostri ordinis universitatem cui vim inferre conaris præ oculis habentes.

**CAP. VII.** — Quid nostræ specialis propositionis summa fuerit, in paucis replicamus. Lex divina et canonica aptissime probat, etiam venerande sæculi leges astipulantur, quod nulli licet ingenuam virginem alicui viro tradere in concubinatum, maxime si illa puella nunquam illicitæ assentire voluit copulæ; et quia suo viro parentum consensu, fide, affectu [al., effectu] ac dilectione conjugali sociata est, uxor profecto, non concubina, habenda sit.